



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

Articulus III. De reliquis ad hunc titulum pertinentibus.

[urn:nbn:de:hbz:466:1-73001](#)

testificator (componantur enim, quæ ab eo dicuntur) *compellere eum etiam nolentem, testimonium perhibere*: prohibitione, propter eum nolentem testificari penitus voluit nostra lex, *propter consensum utriusque partis*, sublatâ.

ARTICULUS III.

De reliquis ad hunc titulum pertinētibus.

1758. QUÆSTIO est, an Testis excusat à facienda depositione, si prudenter timeat grave sibi damnum exinde secuturum? Resp. affirmativam teneri à Navarro *in Manual. c. 25. n. 5.* citante Baldum; *Navarræ de Reſtit. l. 2. c. 4. n. 228.* Sylvestro *V. Correcțio q. 7.* & aliis; ratio est, quia non tenetur quis tanto dispendio hæc præstare, sicut Judex non tenetur tanto dispendio defendere cives, nec debitor tanto dispendio solvere. Nec obstat Reum teneri, fateri cum periculo vitæ; quia Reus ratione sui delicti tenetur: at testis est innocens. Unde Judex iustè faceret, si posset absque scandalō omittere, interrogando testem in hoc casu, scilicet, *quando ſciret dāmnum*: si verò effet scandalum, nisi interrogaret, posset; at testis non teneretur respondere. Ex quo inferunt, testem non teneri testificari, si timeat, quod ponetur sibi exceptio, ex qua gravi infamia notatur. *Navar. cit. n. 710.* Cæterum ut hoc procedat, prudentis arbitrio conferendum est dāmnum impendens Testi, & utilitas ex testificatione consequens; si enim multo minus est dāmnum, quam bonum alteri eveniens ex testificatione, dāmnum non excusat; posset enim tanta testificationis esse necessitas, ut pote ad vitandum dāmnum communne gravissimum, quod alias caveri non posset, ut quis etiam cum capitibus periculo ad id teneretur. Ex hoc fit, eum, qui vocatur, ut testimonium ferat, si illi tale dāmnum sequatur, ut excusat à ferendo, posse se occultare, vel interrogatum, veritatem tacere, modo non mentiatur, ita *Sotus l. 5. de Justit. q. 7. a. 1.*

Quæltio altera est, an Testis, non 1759. rogatus, teneatur deponere de criminе, ubi grave dāmnum sequitur tertio, & dāmnum pender in futurum? si loquamur de dāmno, quod sequitur Rei publicæ, adhuc pendente in futurum, teneri eum, qui scit tale crimen, de illo deponere, seu denuntiare, docet tanquam probabilius Sanchez *l. 6. consil. c. 3. d. 30. n. 1.* nam bonum commune tali casu præferendum est dāmno privati, quod sequitur denuntiatio; quod intellige de gravioribus, in quibus est magnum periculum: quæstio autem est, ubi grave dāmnum ſequeretur alicui privato? mihi videtur dicendum, teneri, ſecluso ſuo deponentis dāmno, si malum tertii ſecuturum ex alterius criminis ſit majus, vel faltem non minus dāmno denuntiati; nam in tali casu tertius pateretur innocens; denuntiatus autem nocens, & ex ſuo delicto.

Dubium est, an si talis testis à JUDICE juberetur deponere de illo delicto, sed ambigeret, num Judex juridice interroget? Duplex est ſententia: prima docet in dubio teneri fateri & ſic parere Judici. Probatur, quicunque rem poſſidet, in dubio jure utitur illâ, quia melior est conditio poſſidentis; ſed Superior est in poſſeſſione respectu ſubditorum: ergo in dubio jus habet præcipiendi, & ſubditi parere teneantur; ita tenet Palud. *4. diſt. 19. q. 4. fin.* Sylvestr. *V. inquisitio 1. q. 3. diſt. 3.* D. Anton. *3. p. tit. 9. c. 7. §. 5.* Altera est, quæ pariter affirmat, ubi nullum vel testi, vel alteri præjudicium ſequitur; at verò si dāmnum ſequatur, ſcilicet punitio, nec Reus, nec testis teneantur crimen detegere, etiam rogati à JUDICE, si dubitant, an Judex iustè interroget. Unde ad hoc, quod teneantur respondere, oportet, prius ipfis conſtet, *juridicē* interrogare. Ratio est, quia Reus in poſſeſſione est honoris, famæ, vitæ, &c. ergo in dubio jus habet hæc conservandi, & non exponendi periculo; ita tenet *Sotus l. 5. de justit. q. 6.* & plures alii.

1761. Hæc tamen responsio intelligi debet, si agatur de rebus gravioribus, in quibus magnum periculum sequitur; securus in rebus levioribus, ubi leve sequitur periculum: tunc enim si constet, Judicem esse virum probum, & peritum, tam Reus, quām testis in re dubia tenetur veritatem fateri; ratio est, quia injuria fieret Judici probo, si in his levioribus ipsi fides non adhibetur; 2. intelligi debet, quando crimen non est in præjudicium Reipublicæ, ut crimen læsa Majestatis, hærefis, proditio; 3. quando verè dubitat; quod verum est, licet Judex præcipiat sub pena excommunicationis latè; nam adhuc non tenentur testis, nec Reus detegere veritatem; quia excommunicatione intelligitur secundum jus, scilicet in iis, quæ juridicè petuntur; quod Sanchez. cit. n. 6. verum esse censet, licet quis multò magis inclinet ad credendum, Judicem rectè procedere, & juridicè rogare: dum tamen verè dubitet; subjungens n. 8. Confessarios non debere esse præcipites ad compellendum Reos, ut crimen Judici detegant; in dubio enim proponendum est in Rei favorem, & nisi meridie clariùs lex illos cogat, non sunt Rei cogendi in causa capitali, vel honoris, vel famæ, dum ex altera parte non agitur de tanto periculo tertiae personæ, fateri crimen; ita Sotus l. 5. de just. q. 6. a. 2. vers. ex his autem.

1762. Quæstio est 3. an, ut testes teneantur testificari de criminis ab altero commissio necessarium sit, ut sciant esse infamiam de ipso, indicia, vel semiplenam probationem? Ad hoc respondet D. Thomas 2.2. q.70. a.1. Si de occultis, quorum non præcessit infamia, interrogetur testis, non teneri respondere, etiam si immineat periculum accusatori, & sibi debere imputare accusatorem. Idem Cajet. ibi D. Anton. p.2. tit.1. c.19. §.7. glossa, Panorm. c. 1. de testib. cogend. vers. an sit peccatum. Cæterum in hac quæstione distinguendum videtur, an testis vocetur à Judice procedente per viam inquisitionis, vel accusationis? 2. an crimen sit in eventu adhuc pendens, & damnum exinde sit in præjudicium reipublicæ, vel tertii? an verò Judex

solum querat testimonium ad punitionem? quo posito:

Resp. 1. quando crimen adhuc pendet, & est in grave præjudicium Reipublicæ, vel tertii, si non sit damnum illi præponderans, quod subiret testis, hunc à Judice etiam non vocatum, teneri respondere, si aliâ viâ caveri non posit, etiam si non præcesserit infamia, indicia, vel semiplena probatio, sive Judex procedat viâ inquisitionis; sive accusationis; nam in tali casu urget charitas proximi, cuius incolumitas tam graviter pericitatur ex malitia alterius adhuc pendente, atq; impedibili Judicis providentiâ; quo sit, obligationem ferendi testimonium non tam nasci ex mandato judicis, quām naturali lege charitatis, ut diximus l. 5. tit. 1. de denuntiationib.

Resp. 2. quando crimen non est in alterius damnum, sed inquiruntur solum ad punitionem, nec ad mandatum Judicis teneri testem de illo testificari, quando est ex illis, de quibus inquiri non potest, non præcedente infamia; quia testis non tenetur etiam ex mandato Judicis respondere, nisi Judex juridice interroget; sed Judex procedens viâ inquisitionis non interrogat juridicè de crimine in particulari, non præcedente infamia, ex dict. l. 5. tit. 1. ita D. Thom. cit. Navarrus in Summa latina c. 12. & alii. Dixi, si Judex inquirat, inquisitione nimirum in personam particularem. Si autem procedit viâ accusationis, probabilius est, testes non teneri respondere, nisi aliqua ratione saltem certi sint de criminis, vel Reo infamato, aut semiplenâ ejus probatione; tum quia Judex, quantumvis procedens viâ accusationis, de occultis interrogans non interrogat juridicè; tum quia pluribus juribus id eis prohibetur, c. inquisitionis, de accusat. c. cum ad Monasterium, de Confess. c. Veniens, de Testib. c. si quid, & c. innocens 22. q. 4. c. super eo, de offic. deleg. c. quamvis, de Rescript. in 6. L. Divus, ff. de Custodib.

Si autem petas, num in dubio, an Judex juridicè interroget? teneatur testis respondere? rx. negativam exprefse tradi à P. Sanchez. l. 6. consil. c. 3. dub. 36. n. 7. quam-

quamvis n. seq. dicat, et si probabile sit, requiri, ut testis teneatur respondere, quod indicia, vel semiplena probatio facta sit in processu; probabilius tamen esse, id non requiri, dummodo constet testi, talia esse indicia, vel infamiam, vel esse alium testem omni exceptione majorem, qui testificari posset, & semiplenè probaret. Ratio, quia nisi hoc esset verum, nulla crimina, quantumvis probabilia, possent puniri, & contra nulla posset Judex procedere; quia nisi ipse Judex examinet testes super infamia, vel super indiciis, vel super facto ipso, non potest constare de infamia, vel de indiciis, aut de semiplena probatione: ergo necesse est, ut Judex ante tales probationes factas, habeat jus ad interrogandum; alioquin, cum nullum testem in principio causæ posset interrogare, similiter nullum delictum posset punire.

1766. Præter hæc not. quod Judex receptionem, & examen testium etiam in causa criminali, adeoq; arduâ, tabellioni, aut alteri personæ industriae committere possit, ut constat ex c. 2. de iudiciis in 6. potest autem id dupliciter fieri, sicut notat gloss. in Clement. 2. V. judices, de offic. delegat. & Abbas hic n. 1. Felin. n. 2. primo, ut actus jurisdictionis alteri committatur, qui adversarium citet ad videndum jurare testes, exceptiones audiat, & examinet, juramentum à testibus exigat, interrogatoria à parte accipiat, testium multitudinem refrænet, inobedientes, vel aliter peccantes puniat, juxta L. Nullum 18. de testib. secundò ut solum ministerium, seu nuda executio committatur, videlicet si post receptos, atque approbatos testes & exactum ab his juramentum, committatur alicui examen testium super interrogatoris jam formatis, ipsiq; traditis, & hic propriè nuntius, seu executor ministerialis appellatur. Constat id ipsum ex c. 1. de Testib. cogend. ibi: eos ad fereandum testimonium coram præfatis judicibus, vel eorum Nuntio, quem ad hoc miserint, Ecclesiastica districione compellas.

1767. Not. 2. in casu necessitatis posse testes ex remoto loco ad tribunal evo-

cari, expensis tamen eos producentis, juxta c. statutum II. §. pro ferendo; de Rescript. in 6. ibi: pro ferendo quoque testimonio (prætextu cuius aliqui alias fraudulenter interdum à Judicibus vocari procurant, ut eos laboribus, & expensis fatigent, aut extorqueant aliquid ab eisdem) nullum ul latentus convocet: nisi quando conditio, & status cause requirent. Sed nec tunc, nisi à producente competentes, vocato pro testimonio, veniendo, stando, & redeundo, faciat ministrari expensas.

Not. 3. Testem, qui denuntiato, 1768. vel accusato jurat, quod contra ipsum in causa criminali testari nolit, cogendum esse, ut dicitur c. pervenit 4. b. t. cùm enim Prior S. Laurentii de Simonia & Adulterio, accusatus esset, quendam, qui ab accusatore in testem producendus erat, juramento astrinxit, ne contra ipsum deponeret; hoc intellecto, rescripsit Alexander III. cùm nemo suo adversario subtrahere debeat instrumenta, quorum appellatione testes etiam comprehenduntur; & cùm tam is, qui adversario instrumenta subripit, quam is, qui adversario parem advocationis, seu defensionis copiam subtrahit, iniquam se causam fovere ostendat, ideoque experiri debeat judicis à se auctoritatem elusam esse, ob hæc testem illum ad detegendam fraudem, & calliditatem Prioris, compelli debere, ut testificeatur.

Not. 4. denuntiatorem publicum, 1769. non debere adhiberi testem in iudicio, si alius adfit, licet agatur solum ad peccatum impediendum; sic enim quodammodo Actor est; si autem alius haberet non potest, admittitur, sed præstito juramento de veritate dicenda. Nam licet ante juraverit ratione officii publici de fideliter denuriandis, quæ novit; hoc tamen non sufficit, cùm juramentum illud deposituerit nec præsente, nec citata parte; sic Layman in c. præterea 7. b. t. n. 2.

Not. 5. si causa examinandi à Principe 1770. commissa sit sine clausula expressa de cogendis testibus, Commissarium posse illos cogere; quia concessâ jurisdictione

concessa sunt omnia, sine quibus ea non potest plenè exerceri : Secus est in Commissario inferioris Judicis ordinarii; talis enim sine speciali mandato testes cogere non potest, præsertim si ipse ordinarius prius examinasset articulos, & interrogatoria; tunc enim de-

putatus est instar nuntii, non habentis jurisdictionem. Not. 6. in foro Ecclesiastico testes cogi per censuras, ut constat ex c. 3. & 9. b. t. in seculari autem mulctæ indictione, vel captis pignoribus, &c.

QUÆSTIO XXII.

IN TIT. XXII. DE FIDE INSTRUMENTORUM.

1771.

Altera species probationum, de quibus utroque jure agitur, est, quæ desumitur ab *instrumentis*, seu scripturis tam publicis, quam privatis, quibus rei gestæ, & in judicium deductæ fides apud Judicem fiat. Quarè *instrumentum* hoc loco non sumitur pro eo, de quo agit titulus Digestorum *de fundo instructo, & instrumento legato;* nam in hoc sermo est de instrumentis rusticis ad fundum colendum; & similibus; accipitur ergo hic instrumentum juridicè, nimirum pro medio idoneo, ad aliquem instruendum ad faciendam rei controversæ fidem, sive injudio, sive extra, de quo in seqq.

ARTICULUS I.

Quid, & quotuplex sit instrumentum.

1772.

SI sumamus *instrumentum* universaliſimè, nimirum, ut diximus, pro medio idoneo ad aliquem instruendum, & faciendam rei controversæ, seu dubiæ fidem, instrumentorum nomine ea omnia accipienda sunt, quibus causa instrui potest; & ideo tam testimonia, quam personæ, instrumentorum loco habentur, ut dicitur *L. 1. ff. b. t. & c. pervenit. 4. de Testib. cogend.* ibi: *nos igitur attendentes, quod nemo debet adversario instrumenta (quorum appellatione testes continentur) subtrahere.*

Minus latè sumitur instrumentum *pro qualibet scriptura* (etiam privatâ, ut notat Abbas ad Rubricam hujus tituli) quæ Judicem instruit in causa, eique fidem facit de re, ad quam probandam producitur; quo sensu etiam in-

strumenti nomine veniunt privilegia, contractus, dispositiones ultimæ in scripturam redactæ, & quodvis aliud scriptum super aliqua re confectum, quod idoneum est ad causam instruendam, & fidem Judici faciendam; dixi *minus latè*, atque adeò strictè & propriè [prout in hoc tit. *instrumentum* sumitur, ut notat Hostiensis in Summam n. 1.] quia simpliciter, & strictissimè instrumentum sumitur pro *scriptura publica*, quæ nimur plenam fidem, seu probationem præstat, ut constabit ex seqq.

Ex hoc deducitur *instrumentum* acceptum pro *scriptura*, aliud esse publicum; aliud privatum. *Publicum* dicitur illud, quod confeatum est à persona publica quæ tali, hoc est ratio ne officii publici, cum debitis solennitatibus. *Privatum* est, quod non fit à persona publica quæ tali, vel cum debitis solennitatibus: hoc ipsum autem privatum instrumentum aliquando habet vim probandi in judicio non minus, quam publicum [ut constabit ex dicendis] & tale vocatur *Authenticum*: plerumque autem non habet, & tunc est simpliciter privatum, tanquam ignobilior species.

In scripturis porrò, seu instrumentis, sunt plures distincti nominibus notatae; sic aliud est *exemplar* [Græcis *Apographum*] aliud *exemplum*; hæc enim apud Juristas differunt; *exemplar* enim est *scriptura principalis*, seu originalis; *exemplum* autem *scriptura inde sumpta*; quam vulgus *copiam* vocat. Unde ad *L. 2. ff. de fide instrum.* ubi dicitur: *quicunque à fisco convenitur, non ex indice, & exemplo alicujus scri-*